

PROGRAM BAKTISISWA PERDANA PERINGKAT NEGERI KELANTAN: SISWA ANAK WARISAN (SINAR)

Program ini adalah rentetan dari 'Program Jom Kelik Kapong' yang mendapat sambutan amat positif dan menggalakkan, maka Program Siswa Anak Warisan (SINAR) menyusul pula.


Sinar dihasilkan dari 3 perkataan iaitu Siswa Anak Warisan. Siswa bermaksud mahasiswa UniMAP yang hadir sebagai penggerak kepada program-program yang dirancang. Anak pula bermaksud para pelajar sekolah di Jajahan Jeli yang akan dijadikan tumpuan para mahasiswa untuk melaksanakan program. Manakala Warisan pula bermaksud gabungan mahasiswa dan anak ini akan menjadi pewaris kepada agama, bangsa, dan Negara dalam bersama-sama berusaha mencapai matlamat yang ditetapkan khususnya menjadi pewaris yang intelek.

Program ini bertujuan mengeratkan hubungan kekeluargaan antara mahasiswa UniMAP dan keluarga angkat. Ia juga menjadi medan perantara dalam memotivasi anak-anak kampung untuk terus menjadi 'pendidikan' sebagai satu tuntutan dalam mengharungi cabaran alaf baru khususnya dalam menguasai subjek Bahasa Inggeris dan Matematik. Program ini juga dapat terus memberi pendedahan kehidupan seharian masyarakat luar bandar kepada mahasiswa.

Program ini dijalankan di Kg. Seberang Jeli, Jajahan Jeli, Kelantan pada 7 Februari hingga 10 Februari 2008 disertai seramai 97 orang peserta. Program ini dianjurkan oleh Universiti Malaysia Perlis, Kementerian Pengajian Tinggi Malaysia, Pejabat Ahli Parlimen Jeli, Kelantan dan JKKK Kampung Seberang Jeli, Kelantan.

Program ini telah memuatkan beberapa pengisian seperti Majlis Sirih Pulang ke Gagang, Program Kecermelangan Bahasa Inggeris, Program Kecermelangan Matematik, Bicara Malam, Operasi Khidmat Masyarakat di Perkampungan Orang Asli, BBQ Dinner dan Majlis Perpisahan. Para pelajar juga diberi peluang mengadakan aktiviti bebas bersama keluarga angkat masing-masing.

Program Siswa Anak Warisan (SINAR) merupakan pengisian Baktisiswa Perdana yang dianjurkan oleh Kementerian Pengajian Tinggi (KPT) bagi seluruh negeri Kelantan yang dijalankan serentak melibatkan semua IPTA. Baktisiswa ini dilancarkan oleh YB Dato' Mustapa Mohamed, Menteri Pengajian Tinggi Malaysia. Perasmian diadakan di Universiti Malaysia Kelantan (UMK) yang turut dihadiri oleh Naib Canselor Universiti Malaysia Perlis, Y.Bhg. Kol. Prof. Dato' Dr. Kamarudin Hussin dan Naib Canselor serta Timbalan Naib Canselor dari Universiti lain bagi memeriahkan majlis perasmian tersebut.



Siswa anak warisan

